



### **2GETHER...We Will Grow, Love, Proclaim**

Tus Sau: N. Kx. Tswv Txos Thoj

Muab Suab: Seah Fang

Tus Hu: Melissa Vaj & N. Vaam Tub Thoj

1. Vajtswv tso peb los nyob rau hauv lub ntiaj teb  
Nws ua txhua yam pab kom peb lub neej nce qeb  
Vajtswv tso peb los nyob nrog lwm leej lwm tus  
Nws ua li no kom peb muaj lub neej kaj lug.

2gether! Peb thiaj yuav muaj kev loj hlob nrawm  
2gether! Peb thiaj yuav pom txoj kev hlub txhawv  
2gether! Peb yuav muaj pexxwm mus tshajtawm  
Peb siv sijhawm kom peb nyob tau 2gether!

2. Yog peb sawvdaws sib pab yuav mus tau deb dua  
Cia peb siv tej koobhmoov, kev txawj thiaj ncau cuag  
Yog sawvdaws los sib koom yuav ua tau ntau tshaj  
Peb yuav pab tau ntau leej los taug txoj kev ncaj.
3. Peb nyob rau tiam uas muaj kev txhawjxees kev nyuaj  
Peb yuav tsum los sib koom sib pab thiaj nyob ruaj  
Peb nyob lub sijhawm muaj kev sim siab kev phem  
Peb yuav tsum sib koom sib pab thiaj tsis yuamkev.
4. Xalaumoos qhia tias ob leeg zoo dua ib leeg  
Vim ob leeg thiaj ua rau nkawd txais kev vammeej  
Yog ib leeg qaug ces lwm tus thiaj tsa tau sawv  
Thaum ob leeg los sib ntsaub thiaj muaj kev kaj plawv.

### **CA LE LUG KAWM VAAJTSWV TXUJ LUG**

Tug Sau: N. Kx. Ntshab Ntxawg Xoom

Muab Suab: Xf. Ntxoov Eliyas Vaaj

Tug Hu: N. Vaam Tub Thoj

1. Ca peb lug kawm Vajtswv Txujlug kuas peb paub Nwg heev dlua qub  
Peb txhaj muaj txuj kev ntseeg ruaj khov ntawm Yexus  
Thaus peb muaj kev ntseeg peb txhaj muaj txuj kev ca sab  
Peb txhaj paub ua peb lub neej hum Vajtswv sab.

Ca le kawm Vajtswv Txujlug, ca le kawm Vajtswv Txujlug  
Peb txhaj txawj luj hlub ntawm saab ntsujplig  
Txawj hlub Vajtswv kawg sab kawg ntsws  
Hab hlub lwm tug ib yaam peb hlub peb tug kheej.

2. Thaus peb paub txug Vajtswv zoo lawm peb yuavtsum tau hloov dlua tshab  
Peb txhaj le txawj ua hum Vajtswv lub sab nyam  
Peb txhaj yuav luj hlub saab ntsujplig ua thwjim tseeb  
Hab caum Tswv Yexus qaab moog kuas taag simneej.
3. Thaus Vajtswv muab peb hloov dlua tshab hab peb yog cov thwjim tseeb  
Ca peb moog qha lwm tug kuas paub Tswv Yexus  
Kuas paub ca Vajtswv hloov kuas paub muaj lub sab tshab  
Puab txhaj paub ua lub neej hum Vajtswv lub sab.

### **LUB SIAB NCAV RAU COV MINYUAM**

Tus Sau: Kx. Tswv Txos Thoj

Muab Suab: N. Ntxoov Zeb Xyooj

Tus Hu: N. Vaam Tub Thoj

1. Peb nyob rau lub sijhawm uas tsis nco tej tubki  
Nws muaj ntau zaus tos peb xav txog lawv ces twb lig  
Peb nyob rau tiam neej uas tsis suav tubki tseemceeb  
Nws muaj ntau zaus tos peb xav ces tau kev txhawjxees.

Peb yuav tsum muaj lub siab ncau rau peb cov minyuam  
Peb thiaj yuav pab cawm tau lawv dim txoj kev puamtsuaj  
Peb yuav tsum muaj lub siab ntshaw kom lawv paub Yexus  
Peb thiaj yuav pab qhia rau lawv taug txoj kev kajlug.

2. Peb nyob rau lub caijnyoog uas sib tw kom neej zoo  
Nws muaj ntau zaus tos peb nco tubki twb puas ntsoog  
Peb nyob rau tiam neej uas xav nrog luag txawj luag ntse  
Nws muaj ntau zaus tos peb nco tubki twb yuamkev.
3. Peb txawm nyob rau tiam neej uas nrhiav thiab khwv npaum twg  
Peb yuav tsum siv sijhawm nrog tubki ua phoojywg  
Peb txawm nyob rau caijnyoog uas nyuaj thiab txhawj npaum cas  
Peb yuav tsum tsis txhob pub sijhawm nrog tubki nplam.
4. Peb yuav tsum siv sijhawm nrog tubki thaum tseem yau  
Lawv thiaj yuav ntshaw thiab xav nrog peb mus rau thaum laus  
Peb yuav tsum siv sijhawm nrog tubki thaum tseem me  
Lawv thiaj yuav ntshaw thiab xav nrog peb nyob koom uake.

### **LUB SIAB PUB**

Tus Sau & Muab Suab: N. Faiv Looj Vaj

Tus Hu: Melissa Vaj

1. Yam li tus poj ntsuam nqa txhua yam nws muaj tuaj pub rau Koj  
Txawm nws tsis muaj ntau los nws ruaj siab rau  
Tus Tswv ua tsom kwm nws  
Cia kom kuv muaj lub siab pub tshwm.
2. Cov ntseeg thaum ub muab lawv tej liaj av muag thiab nqa tuaj fij  
Ua Koj tej dejnum thiab lawv txawj sib pub  
Los ntawm lub siab dawbpaug  
Cia kom kuv muaj lub siab pub txaus.

Txoj koob hmoov Koj nchuav rau kuv, tus Tswv  
Cia kom kuv rov muab ua Koj dejnum  
Kom tiav Koj lub homphiaj  
Thiab ua cov tshuaj tsw qab rau Koj.

3. Nyob ntawm Koj xubntiag, kuv tau txhua yam tiag muaj kev sov siab  
Kuv tus Tswv Yug Yaj, Koj yeej muaj txhua yam  
Koj pub ntawm ntsej muag luag  
Cia kom kuv muaj lub siab pub txhua.

Vajtswv tus uas muaj nplua mias, cas Koj yuav hlub kuv tiag tiag  
Koj yeej pub rau kuv txhua hnuv, Oh, Vaj Ntsujplig, coj kuv kev pub...

Txoj koob hmoov Koj nchuav rau kuv, tus Tswv  
Cia kom kuv rov muab ua Koj dejnum  
Kom tiav Koj lub homphiaj  
Thiab ua cov tshuaj tsw qab rau Koj.

### THOV VAAJTSWV UA TUG COJ

Tug Sau: N. Kx. Ntshab Ntxawg Xoom  
Muab Suab: Xf. Ntxoov Eliyas Vaaj  
Tug Hu: Melissa Vaj

1. Vaajtswv taagkig nuav kuv txhus caug thov Koj  
Thov kaav taagnrho kuv lub sab nub nua  
Kuv txhaj pum tuabneeg nplajteb le Koj pum, kuv tug Tswv  
Thov Koj paab kuas kuv ua tau le Koj sab nyam.  
  
Kuv muab kuv tug kheej rua Koj siv tug Tswv  
Thov siv kuv laww le Koj lub sab nyam  
Ua rua Koj tuableeg tau ntsejmuag tug Tswv  
Thov Koj siv kuv kuas taag kuv txujsa.
2. Vaajtswv thov Koj lug ua kuv lub qhovmuag  
Ca kuv pum tuabneeg nplajteb le Koj pum  
Thov pub kev hlub rua kuv kuas txawj hlub lwm tug tuabneeg  
Ib yaam le Koj tub xub hlub kuv ua ntej lawm.
3. Vaajtswv thov Koj lug ua kuv lub qhovncauj  
Ca nub nua kuv has lug zoo rua lwm tug  
Thov Koj paab kuv kuas txhua lu lug tawm ntawm kuv moog yog  
Cov lug qaab zib txhawb tau tug nyuaj sab lub zug.
4. Vaajtswv thov Koj lug ua kuv ob txhais teg  
Ca kuv cev teg paab cov tuabneeg txomnyem  
Kws tsi muaj leejtwg hlub txhua raug kev nyuaj sab quaj ntsuag  
Cov puab lug cuag Koj tug muaj txuj kev taabncuab.

### UA VAAJTSWV NUM

Tug Sau & Muab Suab: Kx. Num Yig Hawj  
Tug Hu: N. Vaam Tub Thoj & Melissa Vaj

1. Peb ib tsoom ntseeg txhua leej txhua tug  
Mej puas ncu txug Vaajtswv kev hlub  
Nwg tau tso Nwg tuab leeg Tub  
Lug tuag theej peb sau ntoo khaublig.
2. Yeej tsi muaj yaam dlaabtsi yuav them  
Tau tug nqe Yexus tuag txhwv peb  
Nub nua ca le lug sis koom teg  
Ua Vaajtswv num moog thoob nplajteb.  
  
Peb tsi yog yuav nyob dlawb nyob dlo  
Vaajtswv yuav khai peb moog txhua qhov  
Moog qha tuab neeg kuas puab lug ntseeg  
Txhaj tau txujsa nyob Ntuj Ceebtsheej.
3. Nub nua Vaajtswv hu kuas peb lug  
Ca peb siv nyajtxag hab dlaagzug  
Kev txawj ntse hab laajlim tswvyim  
Cov tuabneeg lug txais kev cawmdlim.

Yog peb tsi moog, leejtwg yuav moog  
Tsi xob xaav txug txuj kev tau zoo  
Tsi ntev Tswv Yexus yuav rov lug  
Yuav muab nqe zug rua koj hab kuv.

### VAAJTSWV TXUJLUG

Tug Sau & Muab Suab: Kx. Num Nyaj Hawj  
Tug Hu: Melissa Vaj

1. Vaajtswv Txujlug pev le tej dlej kua mig  
Peb najnub haus lub neej txhaj paub luj hlub  
Nwg txhaj paab peb muaj dlaag muaj zug  
Vaajtswv Txujlug pev le tej zaub tej mov  
Peb najnub noj txhaj le tsi tshaib tsi nqhes  
Paab peb lub neej muaj sa nyob ntev.  
  
Vaajtswv Txujlug yog lub teeb pumkev  
Ua peb hauv ntej, coj peb taug kev txhaj tsi yuamkev  
Nwg yog raab ntaaj kws ob saab ntse  
Najnub qha peb kuas peb paub npaaj lub neej tom ntej.
2. Vaajtswv Txujlug pev le cub suavtawg kub  
Hlawv lub neej qub lug ua tau tuabneeg tshab  
Peb txhaj le dlim lug tau txujsa  
Vaajtswv Txujlug pev ib yaam le raab rauj  
Tsoo peb lub sab kws tawv cuag le tej hlau  
Yeb peb lub neej kws ua nkhib nkhaus.
3. Vaajtswv Txujlug pev le tej noob peb cog  
Rua tej aav zoo yuav luj yuav hlub mog mog  
Cua ntsawj npaum twg los sawv khov kho  
Vaajtswv Txujlug pev le dlim av peb tsom  
Rov lug tshuaj lub neej kws peb najnub coj  
Kuas peb rov khu tej yaam tsi yog.

### CALE NRHAV VAAJTSWV LUB TEBCHAWS

Tug Sau: N. Kx. Ntshab Ntxawg Xoom  
Muab Suab: Joshua Hawj  
Tug Hu: N. Vaam Tub Thoj

1. Koj pheed naj nub nrhav dlaabtsi huv lub nplajteb nuav  
Puas yog koj tseem taabtom nrhav nyaj nrhav txaj  
Puas yog koj tseem taabtom nrhav kev muaj meej mom  
Puas yog koj tseem taabtom nrhav kev txawj kev ntse  
Tej ntawd yuav nyob tsi ruaj tsi khov  
Yeej yuav pluj taag moog ib nub xwb.  
  
Ca le nrhav Vaajtswv lub tebchaws  
Ca le nrhav Vaajtswv lub tebchaws  
Thaum koj tseem muaj txujsa nyob tsi xob tog pigkig  
Tsaam pigkig tsi muaj sijhawm rua koj ntxiv lawm  
Ca le nrhav Vaajtswv lub tebchaws nub nua.
2. Tej vaaj tse koj muaj yuav pob yuav puag moog ib nub  
Tsuas nyob ib plag xwb yuav tsi nyob ib txhis  
Tsi xob ca sab rua koj tej nyaj txag vaaj tse  
Xeb yuav noj yuav tuaj tis yaa moog le tug dlaav  
Ntsaum kaab rwg yuav noj hab lwj taag  
Ca le nrhav Vaajtswv lub tebchaws.
3. Koj txujsa zoo le lub lwg dlej yuav qhuav ib nub  
Nwg zoo le cov fuab pw haav thaus sawvntxuv  
Thaus nub tuaj cov fuab ntawd yuav yaaj taag moog lawm  
Ca le tig rov lug nrhav Vaajtswv lub tebchaws  
Thaus kws koj tseem muaj lub sijhawm  
Ua ntej koj txujsa ncaim lub cev.